

德興縣志

地 250.69

41

24

103130



德興縣志卷之五



武備志

兵制

國家營制碁布星羅各汛有額各額無多匪惟節饒實慮煩苛武首禁暴文從止戈志兵制

舊志云環德皆山也孔道不通似非用武之地然除戎器戒不虞有安不忘危之道焉曩者山寇竊發四境道梗不有兵制何以鳩之軍志云士不選練卒不服習百不當十故兵貴精不貴多一夫拚命百夫莫當是在善

德興縣志

卷之五

武備志

兵制

一

將兵者

城守

額設外委一員

防兵

額設四十六名

城守兵營

在五舖懷德坊街東乾隆九年被水冲塌未建

隴首陸汛

在二十都防兵五名

埂頭陸汎

在十四都防兵五名

重溪陸汎

在二十五都防兵五名

江村坂水汎

在三都防兵五名原設在二都蔣家灘乾隆三十八年移
駐

教場

在近天門外河西洲

德興縣志

卷之五

武備志

兵制

二

按舊志霜降知縣率文武寮屬兵丁民壯弓兵及武生
客兵操於演武場嗣後霜降但外委率兵操演而已民
國則由警佐隨時帶領巡警操練

武事志

邊境四塞用武之地黃巢唐末僞漢元季姚源寇擾叛藩兇熾髮逆殲除治益求治志武事

舊志云德自佟戚領兵出奇制勝迄今尋忠鳳就擒之所已不可復詳蓋天下治平久矣而山谷箐密荏苒盤踞之區猶可追憶而心忱焉况當時之被其蹂躪者乎書之以見蕩平綏靖之功不可沒云

唐中和間黃巢餘黨轉掠饒信至十七都鄉勇王圭文禦之賊不敢犯里人立廟祀焉

德興縣志

卷之五

武備志

武事

一

鄭畋字台文河南祥符人祖選令祁門父榮任開封府尹廣明元年畋爲鳳翔節度使十二月黃巢陷長安上幸蜀畋請留鳳翔上不欲密邇巨寇且幸興元畋請得便宜從事許之中和元年以畋爲京城四面諸營正都統涇原節度使程宗楚副之大破巢軍三年以畋爲太子太保分司江浙諸道道遇賊將王播追擊至饒信界之朗口卽今二十都地也阻山帶河外塞中寬遂結營禦之後二年畋薨子延壽等奉其衣冠葬於朗口原營朝阮鵬因家焉今之遠阮鄭姓其後裔也

宋德祐間羣盜蜂起番首犯鋒城潰鄉破震赫居民寇有樊珍者自上饒屯眾數千直擣邑境三十六都柏溪徐夢龍與兄攀龍率建節民勇禦於青沙墩餉頃遇大雨民無棚帳散伏林莽獨二徐與賊力戰彼眾我寡皆遇害賊亦以是奪氣葺食宵遁至浮邑見二徐荷戈向之懼匿僧舍浮民勇遮擊而盡殲之二徐以一死也邑賴以安賊因以誅總領費公使憲黃公交章上其事勅賜義勇進士與郡守唐公震血祀焉

元至正十二年徐壽輝陷南康路及袁瑞饒徽信諸州餘

德興縣志

卷之五

武備志

武事

二

寇掠德興偽漢將吳宏率兵守焉是年春諸郡既陷命亦憐赤班爲江西左丞率兵捕剿不聞克復秋七月董搏霄從浙江左丞教化方戰復杭州尋進克廣德蘄饒而志稱偽漢吳宏守之是此地初陷於壽輝而再陷於友諒矣易代之際日事干戈其時黔首處鋒刃之下所謂伏尸百萬流血千里者生長昇平之人多不之信明季李逆三寇中原屠戮更慘甚者決水灌城大梁爲墟余童時聞之今魂夢間猶或惴惴其慄以是知元綱失紐盜賊蜂起猶之明末而秦漢唐宋之末年猶之元季

也志不勝書夫以征誅有天下勢不能使民不知兵而民之所苦不在易代而在於大盜又不在大盜而在於備盜爲名之小盜大盜者以殺掠爲事猶可避也惟水窮山盡之鄉其強有力者糾集無賴以禦盜爲名則殺人報仇以充餉爲題則抄家沒產東一隊西一營此強則攻彼彼強則攻此二三良民處其籬落之間不能抗又不能避一任其或烹或炙而慘不可言矣太史公以陳涉項羽爲賢者驅除難耳是友諒壽輝者明祖之陳項而李自成張獻忠之二人者又我世祖章皇帝之陳

德興縣志

卷之五

武備志

武事

三

項也 毛九瑞

至正二十一年盜起邑人葉友大 字孟友 倡義保障桑梓

初民皆走山林依險阻結茅以居者十三年甲辰知縣辜皋檄友大招集之煙火相接漸復昇平焉余仲敬詩曰去年避寇寇不來今年聞寇心半猜夜間近送老妻出兒子守舍東山以後人奔告鼓聲急回首但見煙飛灰薄暮兒來喜且泣爲說白刃撥不開吁嗟邑人幾人在三見招安三被害誓將謀計殺諸賊不爲金章如斗

大

元季五垣夏士五等作亂破徽之婺源本府總制鄭調百
戶賀子中林廣克復

明洪武二年福建蕭明寇饒郡邑賊汪德政方五人等因
之寇掠邑境省檄府經歷周漬鄭總制合徽郡衛軍共
討之賊既平漬與知縣辜皋遊歲寒山各賦詩焉

正德十四年姚源入寇掠德興知縣趙德綱親入賊營
議撫賊執之索金帛時充縣老人余有輝隨行乃請於
賊願以身贖令趙回可得金帛趙脫歸值憲使王公統
兵臨縣而金帛不至賊以有輝給已繫於樹箭殺之時

德興縣志

卷之五

武備志 武事

四

有男婦千餘避居萬村山寨寨破死者八百餘人趙卽
山爲壑瘞之爲文祭焉今四月八日仍錄其文以祭之
辭曰嗚呼姚源寇起兵火四鄉連年剽掠老稚徬徨遭
世亂擾逢時不祥各村立寨避此險難萬村率眾構寨
前山癸酉正月賊奔浙江乃蒙撫按委吏招安四月十
四復陷五疆肆暴攻寨蟻聚蜂圍英雄數百奮武敵蠻
奈何寡不敵眾此弱彼強勢值傾否天不培匡投之灰
礮反風自殃千人守寨八百殺傷雖三寨破身亡儘有
義氣綱常有爲母舍生取義萬休以身障有爲夫死節母同被賊死

不降劉氏投河有負父奔走而喪有出寨遭疫而亡屍積

山澗血流潢灘見者顙泚聞者心寒噫子哭父兮妻哭

夫兄哭弟兮婦哭姑悲聲動地淚滿白湖青天曉日蠻

煙瘴霧芳草斜陽鴉啼昏暮收骸檢骨共葬前岡各為

義塚合魄窀穸藏眾魂可悼謹具牲漿用申哀薦敬奠一

觴有嗣無嗣共格洋洋或奴或婢同享蒸嘗精魂英魄

安於九壤千秋萬古不滅此香哀哉尚饗

初王浩八入寇充縣老人蔣喜突營力校武藝賊眾懼

服誘以重貲不受時知縣趙德綱被執喜與余有輝設

德興縣志

卷之五

武備志 武事

五

計寅夜入營身負趙出賊解去

清順治初年設官供徭賦士民帖然是年鄰縣為賊所破

大帥金聲桓王德仁惑於嚮導之言以大兵紆道猝至

祝氏縣之著姓也世居煖水義堡

自元時築姚源之變又奉檄增修帖文有

云作城市之聲援為諸鄉之犄角

地當其衝大肆殺掠兩臺頗聞其事

聲桓既蓄異志益內不自安遂不旋踵而為逆矣

康熙十三年本府鎮弁程鳳叛縣防陳學劉伯聞風繼

之脅取本縣各官印信劫掠一空閩逆羅其熊等旋率

兵數萬踞縣

知縣毛九瑞從江南入江省請大兵恢復不減包胥秦庭之哭焉

十四年叛將程鳳統各標至縣約眾十餘萬分鄉駐札
擄掠焚殺勒兵索餉無所不至

十五年閩僞都尉白顯忠僞將軍徐黃率賊二十餘萬
壓境大肆殺掠

十六年總鎮高領兵恢復餘孽何秉城李九雄等仍盤
踞山谷荼毒城鄉

十七年復遭僞將軍程璧破城掠鄉
十八年副總佟把總戚登雲身先奮勇恢復邑城寇仍

入山蹂躪江南浙西三省會勦至六月賊始就擒

德興縣志

卷之五

武備志 武事

六

咸豐六年三月二十五都焦阮突有外匪數十擁一妖婦

年約四十餘莫詳其里居姓氏或云蔡氏占據民宅殺牲飲

血聚眾數百聲稱地有楊家井當開按阮口向有井久

堙俗傳宋楊繼業遣二神將來守三關偶飲井水力暴

大過扶竹嶺竹盡拔後人扶之因得名此齊東之語也

婦郎藉此惑眾時髮逆密邇人情洶洶無賴者聞風蟻

附一鄉幾為所搖重溪正當其衝懼禍及報縣縣尹周

公振銳會營借城鄉團勇二千餘人圍妖婦宅李義孫

李沛華先破其門為匪所斃勇愈憤鎗礮齊舉婦張皇

奔突不得出旋火熾人屋俱燼其井至今未塞水渾濁
飲之無驗訛說遂絕

十都新建村地界徽浙當賊往來之衝咸豐五年四月初
三日由浙華鎮竄入死者數十人擄者百餘人七年官
軍至統帶楊國政軍令寬而士不用命八年三月七月
賊兩至團勇拒之賊焚房屋數百男婦死者數百人九
年賊過境踞婺城統帶李嘉萬營村外供億頗繁十年
正月十五日李定泰大營駐村選輕騎入婺勦賊十一
年三月六月賊偪境幸有備不敢入是時早稻方登賊
踞郊外盡取其禾京堂今甘督左公統大隊追賊賊乃
退同治三年正月十九日大雪賊由華鎮竄席君寶田
督官軍逐之自是賊蹤漸遠云

三十一都李村李國重盤墩李常德俱武庠二村相距半
里許同治三年四月十四日賊入山擄劫重與德率眾
追殺賊十二人次日賊復至又截殺賊二十六人餘竄
去乃告眾曰連日殺賊賊必恨儻傾巢而來奈何眾曰
事至此決一死戰而已矣是夜五鼓德督勇據山墩重
督勇伏新橋互相援應天明賊大至見山墩有備遂布

陣下阪德乘其未成列疾奔下山斃賊十餘人重復督
伏突起斜攻賊亂又斃賊十餘後有騎白馬者指揮諸
賊勇突陣以烏鎗擊之落馬死賊奪尸橫馬背右走至
胡家墩擄鋸匠陳喜元擄二老人傅有財傅有冰咱以
金曰導我二老人罵曰能爲斷頭鬼不作引路人賊怒
叢刺之焚邵傅蔡三村二百餘家脅喜元去後喜元歸
始悉二老人慘死之由